

մասին, իսկ միւս կողմից չի մոռանում յիշել հայ-թիւրքական «բարեկամութեան» մասին և յայտնում է, որ թիւրքը երբեք հային թշնամի չէ և առաջարկում է Օլթիից յետ քաշել մեր հայկական զօրքերը և ապա սկսել բանակցութիւններ:

Վ. Նաւասարդեան (դաշ.).—Ոչի՛նչ, հայկական բանակը կը բանակցի:

Նախարարապետ. — Մենք պատասխանեցինք, որ բարի դրացիական կապեր ստեղծելու համար չեն խօսում ոչ Բրեստի, ոչ Բաթումի և ոչ Տրապիզոնի դաշնագրերի անունից, որ բանակցելու համար պէտք է բոլորովին այլ լեզու գտնել, իսկ եթէ այդ լեզուն կամովին չի գտնւի, նրան գտնելը կը յաջողեցնի, այո՛, հայկական քաջարի բանակը (բուռն ծափեր):

Ահա Բէքիր Սամիի և մեր միջև փոխանակած գրութիւնները:

Երևան. Հ. Հանրապետութեան արտաքին գործոց նախարարութեան.

Հայաստանի կառավարութեան հիմնումից ի վեր մեր կառավարութիւնը նրա հետ պահպանել է բարեկամական յարաբերութիւններ և այդ շարունակել է իրեն համար վարքագիծ ընտրել: Նա այդ գործով էլ ցոյց է տւել հակառակ ձեռք շարունակական յարձակումներին: Ձեր գրամամն տակ եղող հողամասերում գտնւող, բայց իր ինքնուրոյնութիւնը որոշող և Միլլի Շուրա կազմող իսլամ ազգաբնակչութեան դէմ միշտ կրկնող յարձակումների և ջարդերի ձեռքադաշնակութեան հանդէպ մեր կառավարութիւնը բաւականացել է միայն բարեկամական ծանուցագրերով:

Մի քանի օրից ի վեր Օլթիի իսլամ ժողովրդի հանդէպ ձեռնոնաւոր զօրամասերի կողմից շարունակւող պատերազմական գործողութիւնների մասին մեր արեւելեան ճակատի Ն. Գ. հրամանատար փաշայի կողմից երեք օր առաջ ձեռք գինւորական ուժերի հրամանատարութեան տրւած բարեկամական ծանուցագիրը պատերազմական գործողութիւնները անմիջապէս դադարեցնելու մասին մինչև այժմ առանց պատասխանի է մնացել և, ընդհակառակն, երէկեանից ի վեր Օլթիի վրա յարձակումը աւելի շատացած ու սատկացած է: Մեր ազգը իր ամբողջ ուժով փափագում է բարեկամական յարաբերութիւններ պահել հայ ցեղի հետ, հայկական շահերը թիւրքականի հետ անհամապատասխան չեն, ընդհակառակը, կարելի է համաձայնեցնել և աւելի սերտ դարձնել: Եթէ դուք անկողմնակալօրէն դատէք, կը յուսամ թէ դուք ևս կը հաստատէք, որ ձեր բռնած ընթացքը չի համապատասխանում ձեր ազգային իսկական շահերին:

Համոզւած ենք, որ անգլիացիները մշտապէս իրար հետ ապրելու ստիպւած երկու հարևան ցեղերը արինհեղութեան մղելով են դրադւած: Մենք ձեռք կառավարութեան և ազգի համար բոլորովին վնասակար կը գտնենք, որ ձեր ազգը անգլիացիների ձեռքը խաղալիք դառնալով՝ մեր կառավարութեան դէմ թշնամութեան ձեռնարկէ:

Ձեր պատգամաւորութիւնը Մոսկւայում ուսւ սովէտական կառավարութեան հետ բանակցութիւններ է վարում. մենք էլ ուսւ սովէտական իշխանութեան հետ քաղաքական յարաբերութիւնների ձեռնարկած լինելով՝ խաղաղօրէն պատերազմին վերջ տալու կաշխատենք միասնաբար, ուստի ձեր յարձակումը բացարձակապէս զարմանալի և ցաւալի մի երևոյթ է:

Յարձակումների շարունակութեան ամբողջ պատասխանատւութիւնը թողնելով հայկական կառավարութեան վրա՝ այս անգամ էլ թիւրք ազգային կառավարութեան արտաքին գործերի կոմիտարի հանգամանքով ես խնդրում